



إلا واشيب عيني يوم قالو لي فمان الله

وحققت أنهم من عقب جمعاهم مقفيني

عبدالله الفيصل

احسب ان الرمش لا سلهم حنون

أثر رمش العين ما ياوي لحد

خالد الفيصل

إن شكيت من الهوى قالوا فضيحه

وإن سكت استنقضوا جرحي عليه

بدر بن عبد المحسن

أنا ما شعرت اني مع الناس قبل ألقاك

ولا ذقت للدنيا طعم قبل تلقاني

سعود بن بندر

إذا صفا لك زمانك علّ يا ظامي

اشرب قبل لا يحوس الطين صافيها

خالد الفيصل



استكثرك وقتي عليّ وغدا بك

عادة زماني كل ما طاب هون

خالد الفيصل

البارق اللي في دجى الليل وقاد

من قال أنه ما لع من نحرها

محمد بن راشد آل مكتوم

اخطيت يوم أني طلبتك حنانك

لا صرت فاقد شيّ وشلون تعطيه

منادي

الله أكبر كيف يجرحن العيون

كيف ما يبرى صويب العين أبد

خالد الفيصل

امسح الدمعة بعمري لوتبي

عطني احزانك وخذ مني هنائي

خالد الفيصل

أشتكي لوسادتي دنياي واسمعها تنوح

كنها بعضي وبعضي وين هو منهو معه

أسير الشوق

أحبك كثر ما ينسى زمانه مستريح البال

وأحبك كثر ما قلب المسافر حنً لتراه

نايف صقر

أنا لا جيت أبنساہ التوى بي

خياله وانهمردمعي يهلي

خالد الفيصل

ارمي بروحي في بحرُك الزلالي

وتنسفني أمواجك على يابس الجال

عبدالله الفيصل

أنت الذي حطيت بالجوف رمحين

رمح العيون ورمح وردي شفاتك

خالد الفيصل

أون وكل يحسب اني أغني

عليل وكل يحسب اني مداوي

خالد الفيصل

انتي كما بدر على صفحة الما

له صورة عندي وهو بالسما فوق

بدر بن عبد المحسن

آه يا من ونّ ونّات القهر

من جروح ساطيه بأقصى الضمير

محمد بن راشد آل مكتوم

الحذر ما يفيد وان جاك القدر

الموده تبتي عود وصغير

محمد بن راشد آل مكتوم

أقول في نفسي وأنا أعايد الناس

متى بشوفك تكمل أفراح عيدي

سعود بن بندر

إذا حكى تحس في هرجه برود

برد يولع في الحنايا جمرها

سعود السبيعي

الموت حظ القلم والمجد للدفتر

حبر القلم غلطتي وإيامي أوراقي

نايف صقر

المال كم ساس طمان وعلاه

والفقر كم حطم روابع سنافي

حمد هادي المسردي

أنا أحمد الله بان عيبك وخليتك

وطيت حبك بالقدم قبل ياطاني

سعود بن بندر

إن طلبت الغلا قلت الغلا جاك

وإن سكنت الخفوق البيت بيتك

مساعده الرشيدى

أنتي التقاء النور مع نرف ديمه

تخيلى حبة مطرفي وسطها نور

محسن الدويخ

الله أكبر لا شرقت شمس يتلاها زوال

كيف ابفرح في صباح مع الليال استوى

حامد زيد

الكوكب اللي تقول الناس يا صغره

من كثر ما هو بعيد وشوفهم قاصر

بلد بن عبد المحسن

انت لو ضميت تمثال من ضمتك ذاب

كيف لو ضميت قلب على ذكرك يذوب

سعد علوش

انا ما كنت أهيم بك عاقل أنا كنت أعشقتك بخبال

أنا ما كنت أحبك حي انا كنت أعشقتك هالك

حامد زيد

أغليه بس أشلون لا تسألوني

الحب من ربي يجي ماله أسباب

خالد المريخي

أحبك لو يموت الحب وتصير القلوب قبور

أحبك كلمة لو حرّموها حلّ تفكيرى

مساعدة الرشيدى

المشكلة أنى لا تعانديت وياه

قلبي وهو قلبي يوقف بصفه

خالد المريخي

ألقاك في سكتي وتقول أرض الله

أنسى خيالك وتجبرني على طيفه

سعد الخريجي

الحب عظم صورتك في خيالي

ولا أنت ميت قلب ما عندك احساس

علي القحطاني



اضحك وعطر ربيع العمر بأنفاسك

الجو محتاج للجوري ونفحاته

مهديح الحسن

الحب يبست في يديني زهوره

ومن الأسى يبست عليها يديني

تركي بن سعود بن محمد

أنسى ليا من عيونك سلهمت فيني

لكن فيها سحر هاروت يهدالي

خالد الذياب

أهيم في صوتك وهمسك ولقياك

حتى مع الأحلام مقدر أخونك

مساعدة بن جبران العازمي

أجيك لامن تأكد إنني علاجك

ما هو محبه ولكن شيمة فيني

صالح الشادي



أحبك ولا تسأل حبيبي عن الأسباب

أنا لو أعرف أسباب حبك قدرت أنهيه

حمد السعيد

الأرض أنا وإنتي غديتي لي الشمس

ما طيق بعدك واحترق لا قريتي

طلال الرشيد "العطيب"

العين مثل السجن والدمع مثل الأسير

وكم دمة من قهرها غادرت دارها

عقاب العماني

الشيب ما به عيب ما به عذاريب

لا شك عيبه يطرد البيض عنا

طلال السعيد

انا شبابك لاغزى راسك الشيب

وانا عضيدك لو تجور الليالي

مساعدة الرشيد



اظمأ ولا أرجي حاسدي شربة الماي

لا قرب الله من يد النذل شربي

ناصر القحطاني

أهون علي أعيش جسم بلا روح

ولا خضوعي في يديك دقيقه

طلال السعيد

أنا للنار في صدري سنايا موطن الإبداع

وأنا ما أقول لا يكتب ولكن ليه يمحييني

عبدالله ذويبان

البيرق اللي على قمة جبل طارق

عار حنى الهامه اللي طال عاتقها

ناصر القحطاني

أبي أشوف العيد في مقلتييني

واركب لقلبي جناحين وأطير

حمدان آل مكتوم "فراع"



اجمع له سمان الهرج خوفٍ من التقصير

ولا جيت أبشرح له كلامي تهيزلته

سعد بن جلالان

أشهد أن من يفعل الطيب في اللي ما وجود

مثل من حجج على غاربه ذبأح ابوه

حمد المسردى

انت لو طحت من عيني بقلبي مطاحك

كان ما شالتك دنياي روجي تشيلك

فيصل بن طواله

آه يا برق يلوح ولا سمعت رعوده

كل ما تضحك يلوح البرق بين شفاها

سلطان الهاجرى

الكحل خلّه في عيونك وسايّد

يشرب من رموشك سوادٍ يزيد

راشد بن جعيشن

إن قلت أو ما قلت ردي كفايه

خل الفراق يحل كل المواضيع

طلال السعيد

أدري أنه كثير اللي وقف ضدي

بس ملح الغرام بكثر عدّاله

مناحي العوفي

أجرح بحد العيون السود من قدك

وإن كان لك دين خل العين تستافي

صيدان المريخي

الشعر طفل خلق مني وأنا منهُ

يا مخبلك كيف تفصلني عن احساسي

الراسية

أحيان أجي ضدك وأجي بصفك احيان

تطيح من عيني وقلبي يشيلك

بدر المليحي



اقبلي يا أعذب النور والما والملا

وادخلي من حيث ودك ترا قلبي أمان

محمد صلاح الحربي

أقسى من الهم والحرمان والذكرى

احساسى أنك لغيري وانت في يدي

فرج صباح

إن مشى بين المعاليق قلت الله معاه

وإن وقف وإلا عثر قلت بسم الله عليه

رشيد الدهام

ألي تهرب من مواجه سنينه

يلقى على دربه سنينه تحراه

ناصر الطيري

أحسك كل ما أغمر في حناني غالي عيالي

إلى ضميت انا اصغرهم أشوفك بينه وبينى

طلال السعيد

إن عافت الكبد تفاعحة ثناياك

لا علها لا عطوها الما تعافه

مدغم البوشييه

أحبك لو عجزت القا لوصلك بالحياة دروب

أحبك لو حكيم العشق مات ولا صدق ظنه

عهد بنت خالد

إن غبت عني شعرت بلذة طعونك

وان شفت زولك شعرت بقيمة عيوني

فهد الأسعد

بالم كتبت أغلى الأمانى والاحلام

لا واخساره يالكتابه على الما

سليمان المانع

بأبكي على زولٍ عشقته عشاقه

ترى البكا للأقويا زود قوه

سعد علوش



بدلت قلبي حجر من شان نسيانك

يوم أني اشتقت لك صاح الحجر وينك

فيصل بن طوالة

بسافر بعينك وأعانق موانيك

صحيح من قال السفر له فوايد

محمد عويضة

بعض الجروح ان جات من اغراب عادي

الجرح موت الجرح إن جا من احباب

عبد الإله المطرف

تخطي علي واستسمحك واترجاك

ضعفي هواك وفطنتك ما تخونك

سعود بن بندر

تخوفني مشاوير الطريق المظلم المهجور

واليا مني ذكرتك قلت طولني يا مشاويري

مساعدة الرشيد

تقول ساعدني وانا اقول وشلون

لو أقدر النسيان ساعدت روحي

سعود الفهد

تكرم البسمه اللي منك تكفيني

كيف اناديك عمري والعمر فاني

سعود بن عبد الله

تمنيتك البارح على هجعة العريان

أبا اسهر معك في نور أخوك القمر ساعه

عبد الله الفيصل

تحاصرني العبره ومن ضحكتي تحتار

تقول الشقي وشلون يضحك وهو داري

أغاريد السعوديه

تكلم فالبحر وتقول ما أحبه من الأملاح

وهي فيها من الملح الذي يغني مشافحه

مشعل بن محيا

تسابقك بيوت الشعر واتعزز مواقفها

واعدلها على ذوقك على ما كنت تامر به

مشعل العبار

ترى لو شفت لي ظل ومهابه في عيون الغير

ترى كل الزهاب اللي معي جرحي وسكيني

مساعده الرشيدى

تفضل والدروب الواعده مطمئنه

خذ اقصر درب بين الخافق وشريانه

محمد الربيع

تنسى جروحي وتسال عن كلام جديد

شوف الجروح وتذكر وش بقى من كلام

أبعاد التركي

تخنقني العبره ليا جيت أبnsاك

ما هو بدنبي لا نسيت وذكرتك

عطا الله فرحان



تخطي عليّ واستسمحك واترجاك

هويت غلطاتك كثر ما هويتك

خالد المريخي

تمشي تمايل كنّ دروبها عثره

إن هملجت مغريه وان وقفت تخري

خالد بن هيف

ترفِ تقول بتطلع الشمس ويذوب

ويذوب الدنيا وهو ما بعد ذاب

عبد الواحد الزهراني

ثراي ما ينشد الغيمة متى تمطر

ما دامها في سماي تحن لغراقي

نايف صقر

جرح ارتحالي ما تضمه مدينه

عايش غريب ومسكني موضع أخطاي

سليمان المانع



جيت بحياتي مثل عمي وخالي

ما اخترتهم وأغليتهم مثل ما أغليك

هلال المطيري

جرحني مثل جرح الثرى من غزير السيل

رمانى مثل ما يرمى بالي اللبسي

عابرة سبيل

جفاها عشق والعشاق عطشى للجفا واحيام

يموت العشق والعشاق عطشى والجميل الها

عبد الله فيحان السميري

حققوا بالشوف في لون الشفات

هو خذا منها الشفق ولأ عطاها

ظلال الرشيد

حظ الحمامه تلقط الحب وتحب

شفة فتاة ربها الي قبلها

خالد بن سعود الكبير

حبي لك أبلغ من جميع الأساطير

ما له بقاموس الهوى وصف ثاني

سعود بن بندر

حنا اليا احتكت ثم اصطكت نوادي

نجيب القول ما سجل بلنتي

خلف بن هذال

حلفت لك باللي خلقك وحياتك

في شوفتك سجل لي الوقت ميلاد

سعود الفهد

حبيبي اللي قمت أسولف به على أغصان وثمر

واثر الحديقة كلها ما احتاجت لتذكيرها

ناصر القحطاني

خلوني أسج عن موضوعه أحسن لي

ولا الغلا والله ان يبطي وهو غالي

سعد بن جلالان



خذني معك عاشقٍ مجنونٍ في ليلي

وإن كان لك قلب خلني قلبك الثاني

النايفه

خطاك أنك تصدقني لا من قلتك بنساک

أنا لو نسيت الحمد قلبي ويش أصلي به

سعود الفهد

خذ راحتك ما غير أنا وانت والليل

والليل مامونٍ على سر الأحاب

عناد الطيري

خل جيوشه بالمحبه غزتني

وانا أسير للعيون العضيغه

السامر

خيرني أمري بين أصعب خيارين

موتي أنا أو موت الاحساس فيني

طلال الرشيد

دام الحشا بيتها وانا مدلعتها

وش دخل القلب يزعل يوم توجعني

ضبيد ان بن قضعان

دنياي انا لو تجتمع لذاتها في مكحلة

والله ما اشهر لأي عين غير عينك مرودي

ناصر القحطاني

دخيلك لا انقتل شاعر وش اللي ينكسر بالكون

سوى زهره وعصفورين وقلب وناس ديانه

سليمان المانع

رح وين ما تشتهي رح قد ما تقدر

أنا أول الناس في قلبك وانا الباقي

نايف صقر

راعي العيون السود في رمشها في

وان سلهمت ذاب الحشا من حينه

بلدر بن عبد الحسن

رحت أسولف للجبال الصمّ عن قصة رحيله

ما تركت متونها الا ينحت الدمع بصخرها

حامد زبيد

راعني خالٍ بوجنتها تقل عبدٍ مسبي

حارسِ روض الزهر من كل يمى مجرمه

محمد الداحيمي

زينِ فتنِ قبلي الي يلبسن الحجول

وش عاد بيقول فيه منكسين العقال

ناصر الفراعنه

سجد قلبي على رمل الضلوع وهزه التنهيد

وخيام الندم والخوف في داخلي منصوبه

نايف صقر

سهله على من كان مثلك وشرواك

مثل الثياب يغيرون المبادي

متعب التركي

سمعتك جملة فيها حكم بلسان أبي تمام

وحكيتك قصة مجنونها هبل بعاقلها

عبدالله فيحان السميري

سكن فيني تربع مهجتي والصدر والأضلاع

مراكبه المحاني وان بغى يرقد شراييني

عبدالله ذويبان

سافر وخل أحزان عمري تخاويك

يمكن معك تلقى حلول لضياعي

نابض الرشيدى

شفت حبك مثل دمع جرح جفني وساح

ان مسحته وان تركته جروح في جروح

منادى

شفت السواد ينادى بعينك الليل

هي من سواد الليل والليل منها

السامر



شفتها مثل الجريمة وابتليت ابها بليّه

غلطة جيت أتحاشى ظلمها قلت ارتكبتها

حامد زيد

شريته في زمان البور والقيمة ثلاث أرباع

واشوفه في زمان العز بالربعين يقصيني

عبدالله ذويبان

شعر يموت وصاحبه حي ما زال

وشعر تجاوز مرحلة شخص لشعوب

صنيتان المطيري

صحيت جمره وذاب الشمع والسكر

وشلون ما اتذكرك وتمرّ في بالي

نايف صقر

صارت حلوم الليل عندي وسيلة

أشوفكم يا أحباب وانتم بعيدين

علي القحطاني

ضاعوا اللي جو معاها مسيرات

واقبلت تمشي ثقل محد معاها

ظلال الرشيد

طحت في حب العيون السود كلي

ومن عثر في رمش عينك ما يقومي

السامر

طفولة ميته فيني بغتك تجدد أيامي

تركت الذاكرة لك لو تبي تاخذني لمهدك

هيفاء خالد "الكرز"

طقوا خيالي كل ما غبت طقّوه

مقدين في ظل هزمكم لحاله

راشد بن جعيشن

عيونك آخر آمالي وليلي أطول من اليم

كيف ألقى كلام عذب يوصف دافي احساسي

عبد الرحمن بن مساعد

علمتني دمعتي سر السعاده

يوم جريت الشقا ميزت نوعه

طلال السعيد

عين تشربك شوف وعين تظماك

لا ذبحني ظمأك ولا رويتك

مساعده الرشيدى

عبث نكتب مشاعرنا قسايد والعنا مولود

ربا داخل محاجرنا وصرنا نعشق أحزانه

فيصل العدواني

على شاطي الهدب هذا أبسهر للهوى واسلى

دقيقة حب لو صارت سنيني الباقيات جروح

محمد الهاشمى

على تايه مواعيدك من البارح وانا سهران

بغيتك للسهر مثل المنام وطحت من عيني

ضيدان المريخي



عشتك انسان ثاير ما بدمه برود

مغترب في عيونك وانت أقسى بلاد

تركي المشيقح

عجزت مرايته فيه تتشبه

حاولت فيه ما قدرت تجيبه

فهد عافت

عطني أحزان قلبك وخذ مني وداده

عش حياتك سعيد وخلّ غيرك يعاني

منادي

عطيتني وجهك وانا جيت كلّي

محروم والمحروم ماينعطى وجه

سالم صليم

عزمتك في شعوري يا شعور ما تبي عزام

وجلستك على عوج الضلوع وقلت عدلها

عبدالله فيحان السميري



غديت مثل العود مشراه غالي

وغلاه لجله يحرقونه على النار

محمد ناصر السيارى

غنيت ما قصدي طرب بس سبتي

من طفلة تركض من البرق خايضه

طلال السعيد

فدوة عيونك لو غدت روح مغليك

وش عاد لو راحت لعينك عشاير

خالد الفيصل

فتنة الحفل زيدي مشيتك بختره

كل خطوة بروق وكل نضحة صهيل

فهد عافت

فمان الله سق ركبك على درب السنين العوج

ولكن طالبك لا أقضيت عني لا تخليني

ضيدان بن قضيحان

في غيابك الناس ماتت وانته الباقي

لأنك الغالي اللي يذبح فراقه

حمدان آل مكتوم "فراع"

في غيابك يا كم تمنيت موتك

أقل شي ارتاح واعرف مكانك

فهد المساعد

فيها غنج ساذج على ملعنة جد

على شوية شيطنه مع شقاوة

علي السبعان

في نحرها كافر لعيوني يقول اذنبني

كل ما ياكل رطب شوفي حذفني بعجمه

محمد الداحمي

قالوا تحبه قلت ما هوب بالحيل

بس أنه أغلى شوي من نور عيني

سعود بن بندر



قالوا توادع قلت يا صعب الوداع

وشلون أوادع من معه قلبي وديع

خلف بن هذال

قالوا هبيل وجايز لي هبالي

اهبال طيب ولا صحاوة رخامة

مسلطين شعيفان

قالت مشاري وصاحوا الخلق لبيه

من زينها كل الخلايق مشاري

فهد عافت

قلت رحلتنا تبي سكر وترنيمة أغاني

قالت هات الأغاني واترك السكر عليه

فهد عافت

قلت وين الحبايب قال ما هم قريب

قلت يا قلب كانوا في ضلوعي هنا

عناد المطيري



قال انا كني غريب ضيع دروب المدينه

قلت انا كني مدينة تنتظر رجعة غريب

فهد المساعد

قلبي وهو قلبي على طول ضدي

يزعل علي ويروح يضحك معاه

مساعدة الشمراني

قلبي لو اغديتيه في الصحرا بليا بوصله

ما تاخذين الا وهو لقصى ضلوعك مهتدي

ناصر القحطاني

كانها الفرقى طلبتك حاجتين

لا تعلمني ولا تكذب علي

بلدرين عبدالحسن

كل الحياة احلام والعمر رايح

طريقي بهالدنيا وغيري طراقي

خلف بن هذال

كبر حظ الصغير اليا وقف وارجعت له

وان ضحك حبته وان جاع يرضع نهدها

عبدالله السيارى

كل ماجيت أبدله عن غرامك وأتوب

جددت جرح قلبي لك هبوب الرياح

اغارييد السعوديه

كيف أتوبك يا اجمل ذنوبي ووقف عند حدي

وانت ذنب لا غفره الله ولا لي عنه توبه

صبيد ان بن قضعان

كن في ضمة شفاها جمرتين بنار حيه

كل من حس بدفاها واحترق صد وقربها

حامد زيد

كان قصدك دمعتي لا تفرحين

شعرة دشت بعيني وطلعت

خالد المريخي

كل جفن من عيوني غدى بيت أجودي

لا تقضب فيه عبد من الليل اعتقه

فهد عافت

كل ما طالعت في عيونك أضيع

دارت الدنيا وصار الشرق غرب

علي مساعد

كل مادعيت الله يجيبك زدتني ببعاد

رح الله لا يردك يمكن الدعوات مقلوبه

عبد المحسن بن سعيد

كنت في عمري يقين وصرت لاحساسي قناعه

من شرب صيفك وضم شتاك يستاهل ربيعك

ناصر السبيعي

كل قضاة يموت مره ويفداك

وانا أموت الذين مره على شانك

طلال الرشيد



كنت القريب وكلهم كانوا اغراب

حتى القمر لا غاب شفتك محلّه

عطا الله فرحان

كن السهر دربِ عليه بتجيني

ما ودّي اقطع درب لا ماك برقاد

بدرين عبداً الحسن

كرهني بنفسك ولو بذنب صغير

ألقي به اعداري واعود لزمانى

سعود بن بندر

كل يقول الزين كله بخلي

أكيد ما شافوا من الزين حاجه

السامر

لا هنت يا راس الرجاجيل لا هنت

لا هان راس في ثرى العود مدفون

خالد الفيصل



لا يطوّل غيابك ثم آخذ عليه

لو تخلّيت عني عنك قلبي ما تخلّى

خالد الفيصل

لو ما الزعل ملح ما صار الهوى حالي

ولو ما لسانك غسل ما سورّه نابك

خالد السعودي

لو تستحي دمعتي من ضحكة سنوني

ما كان حطت بنون العين ماريّه

صلاح

لا شك أحلى مرّ لِنفس يسقا

حلو تحس بلدته وما تذوقه

فالح الدهمان

لولا عقلك كان اشبهك في ريم الفلا

ولولا قلبك كان يمكن ذكرت الخيزران

محمد صلاح الحربي

لولا الخطأ محد عرف قيمة الصح

ولولا الصحيح يصح جات الفضايح

حبيب العازمي

لا بوك لا بو من ترجى حنانك

لا بو قلوب في الهوى تشكي الضيم

سعود السبيعي

لو أحكي بحبك دخلت بمتاهات

والحب نفسه لو عرف يحكي أقنعك

عبدالله الراشد

لو يصب البحر داخل عيونك غرق

شف وانا إنسان كيف أحظى برمشك وانا م

ناصر السبيعي

لا صرت ظلي بعد وش همني يا خي

الحزن والدمع واللوعات عدني

النايفه



لا جيت أبهرب من عيونك تراجعت

وشلون أبهرب والمسافة عيونك

متغلية

للموت أنا لك حبيبي صورة حيه

ميت بحبك وحبك صرت أنا أسعى له

حملان آل مكتوم "قزاع"

ليتك بقيتي حلم في عمر الأيام

ولا عرفتك في حياتي حقيقة

عناد الطيري

لوجمعت أيام عمري من فرح

ما تساوي لحظة من وقتي معك

مجازف

ليته قبل ما يفارقني حفر قبري

أكون أهون للقبر من حزن غيره

ملاك الوافي

للعين دمعته ولكن دمعة القلب غير

يكفي اليا جت تطيح يطول مشوارها

عقاب العماني

لا مرني طيفك أضمه حيل بأحضاني

وشلون لاجيت عندي وشافتك عيني

علي مساعد

لوفات لك بالعمر تسعين ما شنت

في عين نفس علقت بك رجاها

عبدالله الفيصل

لو عيوني غيم واهدابك محاجر

ما ظما رمشك تحت دمع بكيته

نايف صقر

لو عذب الغالي لذيذ عذابه

السيل يجرح بالوطا قبل يحييه

الجهيذي الحربي

لا غاب عني يعيش الفكر مع طيفه

وان صار عندي حياة الحب ألقىها

سعد الخريجي

لا جيت أنادي غيرك أسهى واناديك

غصب علي اليا طرورك أتجلى

خالد المريخي

ليت ممالك في حياتك لا خوي ولا طليب

كان أخشك وسط خافقي وأقول ضاع

سعد علوش

لا جميل شفت قبله ولا بعده جميل

العذارى رهن رمشه وأنا رهن اصبعه

حامد زيد

لو عشت عمر شعيب وانت بمهونه

ضايع وما تقضي من العمر ضايع

خلف بن هذال

لو الرجولة بالمظاهر والاشكال

كان العذارى عقبنا الفناجيل

سلطان علي العتيبي

لا تهل الدمع الله يجازي ظروفك

لعنوا الدمع فعيونك يزيدك حلا

علي مساعد

لو غدى العاقل مع العاقل خصيم

سيقت شيوخ القبائل للقصاص

علي بن حمري

ليت الجفا زله وادور لها دمع

ليت الغرام جروح وانسى عددها

نايف صقر

لا تخالط سواد الكحل مع دمع عينك

عظم الله أجر النور ويا الهلال

علي مساعد

لا متى ذبح العرب عندك حلال

تابت العالم متى عينك تتوب

بلد بن عبد الحسن

لي في عذاب الحب رحمه ومصلوح

عذابك ارحم من نعيم موئي

السامر

ليت العذول يكف عدلٍ عدلٍ فيك

ياخذ عيوني لجل منها يشوفك

محمد بن راشد آل مكتوم

لو للزمن عن نية الغدر شيمة

ما فرق احبابٍ ولا بعد اوطان

بلد بن عبد الحسن

لا تزيد طعوني أوجعت الخناجر

ما بقى عرق بقلبي ما ثنيته

نايف صقر

مثل النخيل خلقت انا هامتي فوق

ما اعتدت انا احني قامتي الا في صلاتي

بدر بن عبد الحسن

مهما يقولون مهما صار مهما تم

انت البدايات وآخر ساحل ومينا

أسير الشوق

منهو حبيبك غايتي بس أهنيه

على حسن حظه عشانك حبيبه

سعود بن بندر

من دون صهيون بذتنا صهاينا

تكفر بالاسلام وتركز كماينها

خلف بن هذال

ما قلتك عمر سيف العشق ما يقتلك

ما تشوفني حي قدامك وأنا اموت فيك

مساعده الرشيدى

ما دام كل من يحيى على وجه التراب تراب

عسى تنساني الدنيا ما دام انتي ذكرتيني

حامد زبيد

ما عاد تخدمني عقب ما بدالي

وان عدت فيما عفت ما نيب رجال

عبد الله الفيصل

ما بين بعينك على كثر ما جاك

لا واحسافه ليتني ما عطيتك

خالد المريخي

مثل ما تدفن الموجه تعبها في رمال السيف

مثل ما تغري النار الفراش ويحترق فيها

ماجد الشاوي

مدام أن الزعل مثل الرضا ييقيك في بالي

أنا مزعل ولا أرضى منك أنا ازعل عنك وارضى بك

فهد عافت

متى القمر والشمس والنجم والبرق

تهزم جبينك يا صعيب المواجه

سعود بن عبد الله

مره لبستي الحب مره فصختيه

هذا الهوى لا تحسبينه عباتك

طلال السعيد

مهما يطول الليل فيك أنت مسراي

ولو تشرق بشمسك غدى الظل اشافيك

زين بن عمير بن زين

ما عاد لي عمر به الحظ ينقاس

في بحر حبك ما لقيت المراسي

محمد المري

ما مسيت لي مده وأنا على نارك

تظفي وانا مشتعل وانته ولا همك

عبد الله حليجان

ما هوب انا اللي يعوّد حين ينده له

أصعب من اقضائتي لا اقضيت مرجاعي

هلال المطيري

ما هو غريبه موت منهو يشوفك

بس الغريبه من يشوفك ولا مات

زيد بن غيام

مليت أكفر اخطاء ما هي أخطائي

وادري براعي الخطا واقول من هو له

عابرة سبيل

ما قلت أحبك إلا انا صادق وابضرب لك مثال

إني ذكرتك يوم حتى أهلك وهم أهلك نسوك

عبد الله الراشد

ما أنكر إنك كنت قمة فالأخلاق

حتى طعونك كنت تطعني بذوق

خالد بن هيف

ما عاد لي قلبٍ حتى ياخذه غيرك

أفانيت كل المشاعريا معذبها

متعب التركي

ما يجرح الرجال غيرانه يشوف

أخس خلق الله ياخذ مكانه

طلال حمزه

ما هقيتك يوم الأجساد تسترها الثياب

بالجفا عريت صبري وعريت اجسدي

مطلق بن شويه

من بعد ما كنتي أنتي في حشاي أغلى سجينه

بأوعدك بأطلق سراحك واتهمني بالإدانه

حامد زيد

ما أقول شفته وشفته البيض يتلنه

أقول شفته وشفته الشمس منجمومه

مساعد الرشيد



من دون دمعي سيوف الرمش مسلولة

والله ماقد ذرفته حتى عند أمي

أسيرة الصمت

نسياتي من نسي الدنيا ولكن ما قدر ينساک

ولو نفرض نسيتيني شعوري كيف تنسينه

منادي

نصف زين الخلايق في عيونه

وباقى الزين في باقيه كله

خالده الفصيل

نويت مرياع الغضي سيد الأحباب

قصدي يزول الجرح زاد التهابه

سعد الخريجي

هدمت الدار من قل الحصى لأجل أرحم الخلان

وقتلن النور من كثر الجفا بافارق ظلالى

بدر بن عبد الحسن



هلا باللي أحبه كثر تعذيبه

وكثر ما هو يغيب وكثر ترحابي

عبد الرحمن بن مساعد

هذور المجالس راعي المدح والسبى

وهو بالخلا لو جاه بنت خذت ثوبه

سعد بن جلالان

همست وقلت لا تخافي على بحر العيون السود

على شط الكحل مرّيت وهذا موضع اقدامي

بلد بن عبد المحسن

ودي أشبع منك شوف ولا حصل لي

كل ما ناظرتني ضاعت علمومي

السامر

وصفك أرض بها خيل الكلام

ملّت الركض واتعبها العدي

نايف صقر



وان دندنت طيلة الحرأب دندنا

بآيات حقِ علي وبلال دندنها

خلف بن هذال

وجع شوق وجع حب وجع فقر وجع ضيقه

على كيفك وهاك اختار وهذي سلة أوجاعي

سليمان المانع

وجد من قفى وهو في رجا كلمة تعال

والتفت من عقب ما ألقى ولا احدٍ لدّ فيه

ضبيد ان بن قضعان

ورده وتقطف من ورود البساتين

أثر الورد احيان تقطف بعضها

سعود الفهد

ولك نور وجه كن لك بالنجوم انساب

وليل عجز من طوله الكف لا يسريه

حمد السعيد



وقتٍ مضى ملمس اللعبة تمنينه

واليوم خضر القلوب العاب منتوره

ناصر القحطاني

وين أنت قبل اللي مضى من سنيني

يا مسعدٍ باقي حياتي بالأفراح

غيوض

والله لارمي حظٍ أغبر على القاع

إما نبت واخضرَ ولاً دفنته

محمد المنيع

وشلون ما أصيح بأسمك واكشف أوراقِي

واسمك مثل حلم ماني قادر أصله

نواف الدبل

وان شرعت من طرفها صافنات الجياد

شفت الأوادم على السكه تجر الطوال

ناصر الفراعنه



والله ان عينك تجيب اطلق ولد

ينطلق من رمشها الموت الذحاح

فيصل الرياحي

يا ام الحسن لو في الحزن حس وشعور

ما كان يكتبني قصيده قصيده

ناصرين كروز

يا حسين ما يشكي من الوقت رجال

انا أعرف رجالٍ شكى الوقت منها

سالم سيار

ينجرح قلب لكن ترتفع هامه

والله إنني لموت ولا انحنى راسي

مساعده الرشيداني

يا جرح بداخلي لحفتك ضلوعي

ميت من البرد قم يا جرح لحفني

صنيتان المطيري

يا ليت عمر يسابقني على شوفك

يلقى حضورك بعد ما جرب غيابك

نايف المطيري

يا حبر شوقي وريشة حب اتحدى الخلود

ليش توئد روح في محبتها وليده

أماني السمان

يا لعنبوك من الترف والنعومه

كن النسا مسترجلة من حوالبك

زيد بن غيام

يا بوعيون بخمر الحب سكرانه

يا جرح كبدي عليك ويا فري جيبني

سعد بن جلالان

يا مدور أهل المحبه ما تضيع

انشد عن الهم تلقاهم معه

راشد بن جعثن



يا ناس أحبه وأحب أسمع سواليفه

صوته يشنت هموم عايش فيها

سعد الخريجي

يا وطننا يا وطننا عمت عين الحسود

ما تهزك لا زوابع ولا غدر عملا

خلفا بن هذال

يابنت انا ماني على خبرك العام

هاتي بلادي واخذي العمر كله

طلال السعيد

يا سحاب على العارض نشا

هيض القلب سيله والمزون

سعد الخريجي

يا مغير في عيني أصل العلاقة

تخيلا وعدو يعشق عدوه

سعد علوش



يا روحي أحياء بك وحناء غريبين

ما نيب أشوفك وانت يا روح ذاتي

خالد الفيصل

يا بنت انا للشمس في جلدي حروق

وعلى سموم القبيض تزهر حياتي

بدر بن عبدالحسن

يا كيف بعثت اللي بروحه يداريك

وانته مريح البال ليك ويومك

محمد بن راشد آل مكتوم

يا ليتني بينك وبين المضره

من غزة الشوكه الى سكرة الموت

سعود بن بندر

يا شينها لا صرت بين اختيارين

مستقبلك ولا حبيب توده

سليمان المانع



يقول بس الزين فيني عيوني

وأقول أنا هذا بلى أبوك يا عقاب

خالد المريخي

يقولون لا ضاقت عليك الوسيعة غنّ

وأنا أقول ما شفت مقرد الخلق وش قالت

مساعدة الرشيد

يا لله بأمانك من النكبات تامنا

والدار بحماك تمنها وتامنها

خلف بن هذال

يا شيخ جابر لك الله ما تهاوناً

الضهد يكّد لك العوده ويضمنها

خلف بن هذال

يا دموعه ليه بينّ لي خضوعه

ليه يجرح كبرياءه في رجوعه

طلال السعيد



يا سعود عقب غياب عامين وشوي

جتني تشاورني (بقصة شعرها)

حمد السعيد

يا ليت حبي له مجرد لقافه

يطري عليّ لا أمسيت ولا أصبحت ناسيه

نايف العويمري

يا علي لا الشعر عبدي ولا هو سيدي

صاحبي له من جنوني ولي من منطقه

فهد عافت

يقولون راعي الحب الأول غلاه يزيد

أجل كيف لا صرت أول الحب والتالي

مبارك شافي الهاجري

يحق لك عني تلوذ بخواتك

ريم الفلا ما هو على الناس معتاد

سعود الفهد



يا شينها لا صرت مطعون بكفوف الدخيل

في ظهرك اربع خناجر وفي الصدر أربعه

حامد زيدا

يا كثر ما قرئت في نظرت هات

ويا كثر ما في نظرت أبشر قراني

نايف المطيري

ياليت لي جرح وينشاف دمه

مير البلا من جرح ماسال له دم

مانع القبيع



الخاتمة

في خاتمة هذا الكتاب ، أتمنى أن يكون هذا الإصدار قد نال استحسان القارئ الكريم ، خاصةً من المهتمين والمتابعين للشعر النبطي «الشعبي».

وكلي أمل أن يكون هذا الإصدار مقدمةً لإصدارات أخرى عن هذا الأدب الجميل ..

وأرجو أن يلتبس القارئ الكريم لنا أي خطأ غير مقصود ورد في هذا الكتاب .

ويسعدني أن أتقبل آراء وملاحظات واستفسارات الإخوة القراء عن هذا الإصدار على العناوين التالية :

ص.ب ٥٣٢٦٠ الرياض ١١٥٨٣

البريد الإلكتروني: Nmf777@maktoob.com

نايف بن مطلق الحداري

